

Նախ և առաջ ակնեղէն բնաւ ոչ գոյ ի նոսա, և ի գանձին 6 կուտ ծանրու թեամբ ի վերայ կաղամարի միոյ զուժ-  
րուխտ մի գոյր, էառ զայն թուվածանն հրամանաւ նոցին, և ի տեղի նորին եղ  
մէրճան մի, զի աւելի ախորժելի էր նոցա  
մէրճանն քան զզուժութն, ըստ այսմ  
իմա և զայլն: Այլ եւս վախճանեալ թա-  
գաւորաց ոսկեհուռ սուսերս և մեծամեծ  
հանդերձս իւրաքանչիւրոցն անուամբ կայր  
պահեալ և այլ հազարաւոր թօփ պէս պէս  
կտակեղինաց և այլ հարիւրաւոր թօփ պէս  
պէս կերմէսուտից և զանազան գունով  
զեմխայից. և տասն բաստաւ կարմիր և  
կապոյտ չուխայից. և 15-20 թօփ վե-  
նետրկեան ծանր ոսկեթիւ խեթայի զոր  
վասն զգեստու թագաւորի և եւս վասն  
զարդուց ինչ եկեղեցոյ ի զործ ածեն. և  
տասն կամ տասնեւհինգ արծաթեայ զարդս  
ջորոյ և արծաթեայ սուսերս. և լաւ շէ-  
շէնէ հրացանս օսմանցուց հարիւր կամ  
150. իսկ հրացանս այսինքն թուֆէնկը  
ֆրանկաց չեն նոցա հաճելի, և են 2 հա-  
զար հին և նոր: իսկ ոսկին է բազում,  
ի ներքս ի պալատի պահեալ կայ: Եւ ի  
ձեռս զանձապետի 3000 վաքիէ, մինչեւ  
չորս հազար գտանի. և մի վաքիէ ոսկի՝  
արժէ 25 դրշ. և մին վաքիէի ոսկիին կը-  
շեռքն է 8 արժմ կ. Պոլսոյ: Արդ այսքան  
3000 վաքիէ ոսկին ամ ըստ ամէ զայ  
թագաւորին՝ ի կողմնակալաց միոյ տէրու-  
թեան իւրոյ, և անցանէ ի ձեռս զանձա-  
պետին վասն ծախուց տնտեստան թա-  
գաւորի, և եւս ռոճիկ զօրաց, և վասն  
գնելոյ զպիտոյս զանձատանն: իսկ զան-  
ձապետին վարձքն և վաստակն ի ծախելն  
զայսոսիկ ոսկիսն 100ին տասն է՝ որ առնէ  
15 քսակ: Եւ բաց յայսմանէ զիւղ մի եւս  
ուճի՝ յորմէ շահի հազար դրշ. և այլ եկա-  
մուտ եւս ի թագաւորէն ուճի վասն ռոճիկի  
50 դրշ. յամսեանն և այլ աստուստ և ան-  
տուստ ուճի փոքրիկ ինչ եկամուտս՝ ընդ  
ամէնն տասն հազար մարջիլ որ է դրշ.:  
Շահի ի տարին զանձապետն՝ որ առնէ 20  
քսակ դրշ.: Բայց ծախքն եւս բազում են,  
զի զ30 սպասաւորսն պարտի պահել. և

թէպէտ թուվածանն ոչ էր այնքան շուայլ,  
և փոքր ծախս առնէր վասն իւր, բայց այ-  
սու ամենայնիւ ոչ կարաց հանել զծախս  
տուեալ ընծայից թագաւորին 1500 դրշն.  
որ 18 ամիս զանձապետութիւն արար, զի  
յորժամ ել ի կեօնտէրէն՝ ունէր ընդ իւր  
40 վաքիէ միայն՝ որ առնէ հազար դրշ. և  
ումանք ոչ գիտելով՝ ասեն թէ թուվածան  
ի Հապէշ ի զանձապետութեան բազում  
ինչս շահեցաւ: Հապա ուր դիցուք զծախսն  
գնալոյն և թէ ելանելոյն և մինչեւ ի ճիտ-  
տէ դառնալն 1500 դրշ. ոչ բաւականա-  
ցաւ. և այլ 26 ամիս եւս ժամանակ ընդ-  
վայր անցոյց, և զորդին եւս զՊողոսն ոչ  
թոյլ ետուն գնալ ընդ հօրն:

Արդ թողեալ զայս եկեցուք ի կարգս  
պատմութեանս:

Այս թագուհին որ իթեկէ կոչի՝ էր կին  
թագաւորի և ունէր զորդեակ մի ամուս-  
նացեալ: Մեռաւ իւր այրն և նստաւ որ-  
դի իւր փոխանակ հօրն, և այն որդին  
եւս ստացաւ զաւակ մի և յետ չորից ա-  
մաց թագաւորութեան մեռաւ թագաւոր  
որդին. և մայրն՝ այս իթեկէ թագուհին՝  
նստաւ յաթոռ թագաւորութեան որդոյն  
բուն զօրութեամբ, զի որդւոյ որդին այ-  
սինքն թոռն փոքր էր՝ ամաց հնգից, և  
այսու դաշամբ նստաւ յաթոռ որդոյն, զի  
այն 5 ամաց թոռն իրբեւ հասցէ ի 16  
ամս՝ զնա նստուցէ յաթոռ թագաւորու-  
թեանն, ապա եթէ ոչ նստուցէ, կամ  
մեոցի, ի լեռնէն իջուցեն զմինն ի թա-  
գաւորագանցն: Քանզի գոյ մին բարձր և  
անառիկ լիտոն հեռի ի կեօնտէրէն ժամս  
6 ճանապարհաւ, և ամենայն թագաւորա-  
զունք Հապէշին անդ բնակին և են ամուս-  
նացեալք և ամենայն ուտելի, ընդեղէնք  
և մեղէնք գտանին անդ, զի վար և ցան  
ուճիին և եկեղեցիք և քահանայք և այլ  
ամենայն ինչ գտանին անդէն: Եւ ի մէջ  
իւրեանց այս թագաւորագանցն կարգ և  
կանոն ունին. և եթէ ի քաղաքէն կամիցի  
որ գնալ անդր, առանց հրամանի թագա-  
ւորին ոչ կարէ գնալ: Եւ ի լիտոն ելա-  
նելոյ ճանապարհ ոչ գոյ, զի ի միոյ տեղ-  
ւոջէ 150 զրկաչափ չուանաւ ի վերուստ